

PERILLVSTRI,
ac Reuerendissimo domino,
vti fratri, domino Archiepis
copo Granatensi.



Er Illustris, ac Reuerendissime do-
mine, vti frater, Admodum Re-
uerendus D. Franciscus de Muni-
ta ab amplitudine tua ad inuicē
da Beatorum Apostolorum limi-
na obligatus, id munus piē, ac diligenter obi-
uit: nam & Sacrosanctas SS. Petri, & Pauli Basi-
licas visitauit, & Sacrae Congregationi Cardi-
nalium, Concilio Tridentino interpretando, ac
Prælatorum eadem limina visitantium postu-
latis audiendis præpositæ ore, & scripto de is-
tius Ecclesiæ statu, deque prouida, ac verē Pas-
torali amplitudinis tuæ in grege sibi credito cu-
stodiendo, atque ad salutem informando vigi-
lantia ea retulit, quæ cum ingenti læticia audie-
runt Illustrissimi Patres, qui nihil aliud propte-
rea addendum existimantes, tātum ad aliquod
eius relationis capita ad hunc modum respon-
derunt, videlicet. Clericum vltamontanum,
absque literis dimissorijs sui Ordinarij, ab Epis-
copo Italiæ, ad Ordines promotum, nequaquā
posse ab eodem Ordinario absolui, sed a Sede
Apostolica petendam esse dispensationem, ex
Constitutione fœlicis recordationis Clement.
4. quæ incipit: Sæpè contingit, quam Sacra Cō-
gregatio re diligenter perpensa, censuit mini-
mè sublatam fuisse eiusdem Concilij decreto,
cap. 8. Ses. 23. neque Constitutione Sanctæ me-
morie

morix Clement. 8. incipienti: Romanum Pontificem moderatoria alterius Constit. Sixti 5. felix recordationis, quæ incipit: Sanctum, ac salutare.

Præterea, Clericos quoscumque, qui de propria sufficientia diffisi, ut rigorem examinis sui Ordinarij effugiant, vel quod sufficiens Beneficium, aut patrimonium non habeant ad alienas Diœceses diuertunt, ibique obtinent sibi conferri Beneficium aliquod tenuissimi redditus, atque ad illius titulum, vel clementi patrimonij, absque literis dimissorijs sui Ordinarij, ab Episcopo Beneficij ordinantur, utique censi in fraudem promotos, ac proinde suspensos esse à susceptorum ordinum exercitio, quando proprio Ordinario videbitur, & Episcopos, qui eos scienter, seu affectata ignorantia, vel quocumque alio figmento quæsito præsumpserint ordinare, per annum à collatione ordinum suspensos esse ad præscriptum Constitutionis Gregorij 10. in Concilio Lugdunensi adita, quæ incipit: Eos, qui Clericos, & decreti, cap. 8. superius relati. Ideoque Capellanum istius Diœcesis, qui ad titulum Capellaniæ annui redditus ducatorum 250. Subdiaconatus, & Diaconatus ordinibus susceptis, ne in examine repulsâ pateretur, quippe qui se minus idoneum senserat, vicinum adiit Episcopum, à quo Capellaniam quinque ducatorum institui, ac sibi conferri obtinuit, eaque obtenta ab eodem Episcopo ad presbyteratus Ordinem promotus fuit, in suspensionem incidisse; proindeque debere eum ab Ordinum ministerio abstinere arbitrio amplitudinis tuæ. Idem esse de ijs, qui commenticijs patrimonijs, aut eorum valore ad iustam summam per fraudem adaucto se se Sacris Ordinibus obtendunt; quando quidem & si decre-

tum

tum Concilij, cap. 2. Sef. 21. prohibens aliquem ordinari ad Sacros Ordines, absque titulo sufficientis Beneficij, vel patrimonij, in illis verbis: *Antiquorum Canonum pœnas super his innouando*, innouauerit pœnam, vt mensa Episcopalis teneatur ad alimenta ordinati ad præscriptum, cap. cum secundum Apostolum, de præbend. non autem pœnam, vt ordinatus sit suspensus, iuxta Can. neminem, & Can. Sanctorum, 70. distinct. diuersum tamen censi debet cum Clericus, circa huiusmodi titulum in ordinatione fraudem committi: eo enim casu pœna suspensionis ante Concilium non fuit correctâ, & hodie a Tridentino Concilio est innouata, ita vt propterea Clericus qui adhibito dolo, confictoque titulo ordinatorem decipit, sit ipso iure suspensus, careatque Ordinis executione.

¶ Postremo regulares ad audiendas personarum sæcularium confessiones ab amplitudinis tuæ prædecessoribus approbatos posse, rursus ab amplitudine tua pro maiori suæ conscientiae securitate examinari quemadmodum dissertis verbis statuitur Constitut. sælicis recordationis Pij 5. quæ incipit: Romani Pontificis. Quod si cōtra ædictum ab amplitudine tua promulgatum, vt se iterum subiiciant examini confessionibus audiendis se se Regulares intruserint, in eos vt cumque exemptos licebit amplitudini tuæ grauiter animaduertere facultate sibi attributa Constitut. Sanctæ memoriæ Gregorij 15. non ita pridem ædita, quæ incipit: Inscrutabili Dei prouidentia. Quibus cum amplitudinis tuæ dubitationibus satisfactū putemus quod reliquum est, salutem illi plurimā in Domino impertimur, ac diurnam precamur sælicitatem. Romæ, die 9. Septembris, 1623.

Amplitudinis tuæ per Illustris, ac Reuerend.

Vti frater studiosus, R. Car. Vvald.

Vertrager findungs, R. Car. V. 1814.

1890